

## প্রকৃত প্রেমকি এখন শুধুই কল্পনা

প্রিয় সুপ্রভাত-

প্রকৃত প্রেম এখন শুধুই কল্পনা নয়। তাই, বিগত ৫০টা সোনা রোদের সাক্ষী আমাদের সুপ্রভাতকে স্বর্নালি অভিনন্দন। পর পর ৫০টা সুন্দর সকাল পেরিয়ে আজ আমাদের, শতকের যাত্রা শুরু। অজান্তেই একজন দর্শক হিসেবে নিজেকে কখন যেন জড়িয়ে ফেলেছি আপনাদের সঙ্গে। এটাওতো প্রেম।

প্রেম এক অনুভূতি। মনের ঘরে এর বাস। মনের অপর নাম হৃদয় হলেও, পৃথিবীর কোন শল্য চিকিৎসক হৃদপিণ্ড চিড়ে ডুব দিয়েও এই মুক্তির সন্ধান পাবেন না। কারণ মনের সুরের তারেই বাজে প্রেমের বাঁজক। এই প্রেমই প্রকৃত প্রেম। বুদ্ধি দিয়ে যেই প্রেম, সেই প্রেমে থাকে ছলনা, থাকে স্বার্থ, থাকে শারীরিক লিপ্সা। দেশ, কাল, জাতি, সামাজিক সংস্কার, বয়স, রীতিনীতি - এর উর্ধ্বে যেই ভালোলাগা বা ভালোবাসা, এটাওতো প্রেম।

প্রকৃত প্রেম এক অন্তঃসলিলা নদীর স্রোতের মতো। এ চায় না তার প্রকাশ, চায় না কোন স্বীকৃতি। ভালোবাসতে চেয়েই তার আনন্দ। তার এই গোপন চওয়াতেই তার চাহিদার পূর্ণতা। কোন পুরুষ ও নারীর শারীরিক মিলনের, সামাজিক সম্মতির নাম-বিবাহ। কিছু প্রেম এই গন্ডিতে আবদ্ধ নয়, বুদ্ধির বিচারে অনগ্রয় হয়ে থাকলে, তবুও এটাওতো প্রেম।

ভালোলাগা কোন সম্পর্কের বিচ্ছেদের পরিনতিতে, ক্লান্ত দুপুরে একলা বিছানায় কিংবা কোন ঘুম না আসা রাতে, নিঃসঙ্গ মনে চকিতে তাকে স্মরণ করা অথবা মনের কোন এক কোণে বসিয়ে রেখে জুলে থাকার যে প্রচেষ্টা অথবা তোমায় আর পড়ে না মনে- বলতে বলতে তাকে স্মরণে আনা, এটাওতো প্রেম।

তুম হামারে নেহি তো-

কেয়া গম হয়য়,

হাম তুমহারেতো হয়য়-

ইয়ে কেয়া কম হয়য় !!! বিফল হৃদয়ে যা জেগে রইল, এটাওতো প্রেম।

কিন্সা, "প্রেম একবারই এসেছিল নিরবে,

আমারইএ দুয়ার প্রান্তে, সেতো হয় মৃদু পায়,

আমি পারিনিতো তাকে শুধু জানতে।,

প্রেম একবারই এসেছিল নিরবে-" ফিরে যাওয়া সেই উদাসী হওয়ার বুকে যা ছিল,

বন্ধু, সেটাওতো প্রেম।

শুভেচ্ছান্তে-

পাহুপাদপ

শিলিগুড়ি

১৭/১১/২০০৬